

春秋林傳元

刻春秋林氏傳跋

士不患富貴患無學術我
所得自主也士不患學術
患無聲名亦我之所得自

主也有學術而無聲名者
未見也蓋聲名與富貴異
富貴而沉埋荒忽什伯千
萬矣然則有學術有聲名

聽富貴之自至者上也無
學術而務求聲名猶有志
于學術者不失其次無學
術無聲名而遂直舍其學

術聲名之志專以傾于富
貴之謀富貴不可得固分
理所當然不幸而得富貴
問學術則啞然攷聲名則

寂然嗟乎亦羞甚矣林子
燕公十歲而以文見異于
鍾伯敬先生十五歲擬元
閩省嗣是試輒冠軍不佞

亦能首拔之燕公雖不以
是當聲名夫固已赫赫矣
著作盈筭經史具有成集
而春秋一傳尤爲得意之

書觀其題誌作已十年今
始謀梓何也燕公益以十
年已前之物必經十年已
後取而觀之久且如新常

玩而不厭則百世下同此

也此不可以識學術之所

至耶杜門造軌一旦馳驅

長令夏彞仲頤解也司理

陳臥子節折也太史張天
如司成倪鴻寶躍然舞而
交呼絕倒也四公者天下
聲名之主也燕公躡入騰

湧焉且不鄙不佞至婁相

質不佞亟命梓觀成以東

行已促乃手屬之吳江令

葉君敬甫君與燕公有鄉

誼蓋名進士而深經術者
也臨岐執筆跋之末端黯
然多緒惟有努力燕公年
方及壯富貴逼人東山鼻

捉若夫學術聲名不佞已
無須勸獎矣

嘗

崇禎辛巳二月清明吳興

友生凌義渠題

卷之二

一

自序

春秋何以有傳也孔子之心不能
遍天下萬世而口授之爲孔子徒
取其所不能口授者代爲傳之遂
使天下萬世無不若自孔子口授

之者而春秋傳矣春秋何以有林
氏傳也傳自左氏有之公羊氏穀
梁氏有之至胡氏始大明此道迄
今唯胡氏獨尊獨信而左氏諸傳
若置外史供胡氏參稽攷証耳一

氏興而諸氏廢爲其因孔子書傳

孔子心也雖然孔子尚未能遍天

下萬世而口授之則孔子之心又

豈一氏所能代爲傳之也哉林氏

所以繼而傳也然則林氏之傳若